



NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOU IN DIE BANKETSAAL, MALMESBURY OP WOENSDAG, 24 JANUARIE 2024 OM 10:00

TEENWOORDIG:

Uitvoerende Burgemeester, rdh J H Cleophas (voorsitter)
Uitvoerende Onderburgemeester, rdl J M de Beer

Lede van die Burgemeesterskomitee:

Rdl D G Bess
Rdl N Smit
Rdh T van Essen
Rdl A K Warnick

Beampes:

Munisipale Bestuurder, mnr J J Scholtz
Direkteur: Finansiële Dienste, mnr M Bolton
Direkteur: Beskermingsdienste, mnr P A C Humphreys
Direkteur: Elektriese Ingenieursdienste, mnr T Möller
Direkteur: Siviele Ingenieursdienste, mnr L D Zikmann
Direkteur: Ontwikkelingsdienste, me J S Krieger
Direkteur: Korporatiewe Dienste, me M S Terblanche
Senior Bestuurder: Strategiese Dienste, me O Fransman
Bestuurder: Sekretariaat en Rekordsdienste, me N Brand

1. OPENING

Die Uitvoerende Burgemeester verwelkom lede en versoek rdl D G Bess om die vergadering met gebed te open.

2. VERLOF TOT AFWESIGHEID

Dat **KENNIS GENEEM** word van die verskoning ontvang vanaf die Speaker, rdh M Rangasamy.

3. VOORLEGGINGS/AFVAARDIGINGS/SPREEKBEURTE

Die Uitvoerende Burgemeester bedank die Brandweerdienste vir bystand verleen tydens die brandvoerval by die Shelly Point Hotel in St Helenabaai en die Direkteur: Siviele Ingenieursdienste vir die beskikbaarstelling van die watertrok.

4. NOTULES

4.1 NOTULE VAN 'N GEWONE UITVOERENDE BURGEMEESTERSKOMITEE-VERGADERING GEHOU OP 13 DESEMBER 2023

BESLUIT

(op voorstel van rdh T van Essen, gesekondeer deur rdl N Smit)

Dat die notule van 'n Gewone Uitvoerende Burgemeesterskomiteevergadering gehou op 13 Desember 2023 goedgekeur en deur die Burgemeester onderteken word.

5. SAKE VOORTSPRUITEND UIT DIE NOTULE

Geen.

6. MAANDVERSLAG: NOVEMBER 2022

6.1 SIVIELE INGENIEURSDIENSTE (7/1/2/2-6)

Die Direkteur: Siviele Ingenieursdienste gee agtergrond tot die hoë organiese lading teenwoordig by die Darling Rioolwerke. Die storting van afvalwater deur die nyweraar wat melk verwerk is baie hoog en daar was 'n faling in die behandelingsprosesse van die nyweraar.

Die Direkteur: Siviele Ingenieursdienste bevestig dat daar 'n ondersoek gedoen word na tariefstrukture om nyweraars aan te moedig om vooraf behandelingsprosesse in plek te stel en die nodige instandhouding te doen om te voorkom dat die koste van verwerking van afval die Munisipaliteit toeval.

Die Direkteur: Siviele Ingenieursdienste, met verwysing na die damvlakke van die totale stelsel wat op 83% staan, meld dat die waterverbruik redelik toegeneem het en, gegewe die Munisipaliteit se allokasie uit die stelsel en beskikbaarheid van alternatiewe waterbronne, waterverbruik krities dopgehou sal moet word.

Verder noem die Direkteur: Siviele Ingenieursdienste dat die wyse waarop rioldienste aan Yzerfontein gelewer word nie volhoubaar is nie en dat oplossings ondersoek word. Dit is nodig om terreine te identifiseer vir die vestiging van 'n rioolaanleg vir Yzerfontein.

Op navraag van rdh T van Essen insake die probleme wat met watervoorsiening aan Chatsworth ervaar word, noem die Direkteur: Siviele Ingenieursdienste dat die maatreëls om water in die nag toe te draai om geleentheid te gee vir die reservoirs om water in te kry, suksesvol is. Verder is daar x4 tenke opgesit vir die hoëliggende gebiede in Chatsworth en gaan die watertrok gereeld na daardie gebiede om watervoorsiening te verseker.

Die voorsitter versoek dat daar oplossings gevind moet word (1) vir die onwettige wateraansluitings, onder ander deur inwoners van Silvertown en (2) om die hoëliggende gedeeltes van Chatsworth op 'n volhoubare wyse van water te voorsien.

Die Munisipale Bestuurder gee agtergrond insake die totstandkoming van Silvertown en die kwessies rondom eienaarskap. Daar sal gesprekke met die Kantoor van die Premier gevoer moet word en met Stad Kaapstad insake die moontlike insluiting van Chatsworth, Riverlands en Kalbaskraal by Stad Kaapstad se regsgebied.

BESLUIT

(op voorstel van rdh T van Essen, gesekondeer deur rdl N Smit)

Dat kennis geneem word van die inhoud van die maandverslag van die Direktooraat: Siviele Ingenieursdienste ten opsigte van November 2023.

6.2 ELEKTRIESE INGENIEURSDIENSTE (7/1/2/2-6)

Die Direkteur: Elektriese Ingenieursdienste behandel die direktooraat se maandverslag vir November 2023 en fokus op die effek van beurtkrag, bv. in November 2023 was daar elke dag beurtkrag.

Die Direkteur: Elektriese Ingenieursdienste bevestig dat die vordering met die implementering van die TID-oorskakelingprojek op 75% staan. Die energieverliese vir November 2023 is op 2.66% wat nog geverifieer moet word.

Die Direkteur: Elektriese Ingenieursdienste noem dat die beheerkas wat die verkeersligte na die N7 reguleer, gedurende beurtkrag gevandaliseer is en dat alle toerusting en kables uitgesteel is.

BESLUIT

(op voorstel van rdh T van Essen, gesekondeer deur rdl N Smit)

Dat kennis geneem word van die inhoud van die maandverslag van die Direktooraat: Elektriese Ingenieursdienste ten opsigte van November 2023.

6.3 ONTWIKKELINGSDIENSTE (7/1/2/2-5)

Die Direkteur: Ontwikkelingsdienste verskaf inligting aangaande die opkomende behuisingsprojekte in De Hoop, Malmesbury, Darling en Moorreesburg. Die behuisingskomitees vir De Hoop en Darling is verkies en die kontrakteur, ASLA, sal teen Januarie op terrein wees. Daar word beoog om in Januarie op tender uit te gaan vir dienste vir die Moorreesburg behuisingsprojek.

Die Direkteur: Ontwikkelingsdienste gee verder agtergrond ten opsigte van die Munisipaliteit se besoek aan die sosiale behuisingsprojek in Glenhaven, Bellville wat deur die Devmark Eiendomsgroep gevestig word.

Die Munisipale Bestuurder noem dat Stad Kaapstad se spesifikasies aangevra is ten einde die beskikbaarheid van grond, grootmaatsdienste, ens. te oorweeg vir begrotingsdoeleindes om 'n soortgelyke projek vir Swartland Munisipaliteit te vestig.

BESLUIT

(op voorstel van rdh T van Essen, gesekondeer deur rdl N Smit)

Dat kennis geneem word van die inhoud van die maandverslag van die Direkoraat: Ontwikkelingsdienste ten opsigte van November 2023.

6.4 BESKERMINGSDIENSTE (7/1/2/2-3)

Die Direkteur: Beskermingsdienste noem dat prosesse aan die gang is om die lewensvatbaarheid van die Moorreesburg Toetsentrum te ondersoek, aangesien lg. se dienslewering baie laag is.

Die Direkteur: Beskermingsdienste verwys na die lys van uitdagings wat telkens in die maandverslag vervat word en dat daar 'n strategiese sessie gereël moet word om oplossings vir die uitdagings te vind, ingesluit 'n gesprek met Minister McKenzie insake die hantering van taxi verwante probleme.

6.4.1 VERKEER- EN WETSTOEPASSINGSDIENSTE

6.4.2 BRANDWEERDIENSTE

BESLUIT

(op voorstel van rdh T van Essen, gesekondeer deur rdl N Smit)

- (a) Dat kennis geneem word van die inhoud van die maandverslag van die Direkoraat: Beskermingsdienste ten opsigte van November 2023;
- (b) Dat 'n strategiese sessie gereël word met die betrokke rolspelers en lede van die Uitvoerende Burgemeesterskomitee om oplossings te vind vir die uitdagings wat deur die Departement: Beskermingsdienste geïdentifiseer is, onder andere –
 - (i) Onwettige grondbesettings (*Land grabs*);
 - (ii) Onwettige rommel strooi;
 - (iii) Hantering van rondloper diere;
 - (iv) Hantering van "pirate" taxi's;
- (c) Dat daar 'n hoëvlak gesprekvoering gereël word met Minister McKenzie rakende die hantering van die taxi-probleme.

7. NUWE SAKE

7.1 VOORGESTELDE WYSIGING VAN TOLKRAFTARIEF VIR 2023/2024 / PROPOSED AMENDMENT OF WHEELING TARIFF FOR 2023/2024 (5/4/1/3)

Die Direkteur: Elektriese Ingenieursdienste behandel die verslag en noem dat daar met die opstel van die 2023/2024 tarieflêer min inligting beskikbaar was oor die vasstelling van tolkragtariëwe en die maksimum aanvraag wat gehê moet word en dat die konsep in die praktyk nie werk nie. Die Direkteur: Elektriese Ingenieursdienste bevestig dat daar geen inkomste begroot is vir die heffing van die maksimum aanvraag tolkragtariëf nie en dat dit derhalwe uit die tarieflêer verwyder word.

7.1/...

BESLUIT

(op voorstel van rdl D G Bess, gesekondeer deur rdh T van Essen)

- (a) Dat kennis geneem word van die foutiewe heffing in die bestaande tolkragtarief;
- (b) Dat die wysiging van die tolkragtarief ten einde die heffing vir maksimum aanvraag uit te sluit, ondersteun word;
- (c) Dat verder kennis geneem word dat die wysiging van die tolkragtarief nie 'n wesentliche effek om die begrote inkomste van die Raad het nie en geen impak het op die totale begroting van Swartland Munisipaliteit nie;
- (d) Dat die gewysigde tolkragtarief aan die Raad aanbeveel word vir oorweging en goedkeuring;
- (e) Dat die Uitvoerende Burgemeesterskomitee derhalwe goedkeuring verleen vir die insluiting van die gewysigde tolkragtarief in die 2023/2024 Aansuiweringsbegroting.

7.2 BEGROTINGBEHEERKOMITEE 2023/2024: HALF-JAARLIKSE AANSUIWERING-KAPITAAL- EN BEDRYFSBEGROTING TEGNIESE AANBEVELINGS (5/1/1/1, 5/1/1/2, 5/1/4)

Die halfjaarlikse aansuiweringskapitaal- en bedryfsbegroting is opgestel na oorweging van die artikel 72 MFMA-verslag wat die halfjaarlikse begroting- en prestasieassessering bevat. Die 2023/2024 Half-jaarlikse Aansuiweringsbegroting is deur die Begrotingsbeheerkomitee gehou op 18 Januarie 2024 oorweeg vir aanbeveling aan die Uitvoerende Burgemeesterskomitee.

BESLUIT (vir aanbeveling aan die Raad op 30 Januarie 2024)

(op voorstel van rdl N Smit, gesekondeer deur rdl A K Warnick)

- (a) Dat kennis geneem word dat die Begrotingsbeheerkomitee vergader het om die verduidelikings en motivering van die finansiële personeel en ander direkteure te oorweeg in 'n poging om die Uitvoerende Burgemeester te adviseer insake die pad vorentoe;
- (b) Dat die Raad kennis neem van die voorgestelde aanpassing (wat verband hou met Artikel 19) ten opsigte van die Construction of New Roads in die Swartland en die Malmesbury De Hoop 132/11kV Substation projek (**Annexure A-2: Capital Projects ito Sec 19**);
- (c) Dat goedkeuring verleen word om die hoë-vlak kapitaal- en bedryfsbegroting vir 2023/2024 as volg te wysig, ingesluit 'n wysiging aan die 2024/2025 kapitaalbegroting, met geen ander wysigings aan die buite jare nie:

	Oorspronklike Begroting 2023/24	Spesiale Aansuiwerings begroting 2023/24	Half-Jaar Aansuiwerings begroting 2023/24	Aansuiwerings begroting 2024/25	Oorspronklike Begroting 2025/26
Kapitaalbegroting	209 052 395	240 803 827	248 689 919	225 529 245	208 303 329
Bedryfsuitgawes	1 071 330 062	1 073 385 062	1 071 588 058	1 174 132 994	1 371 930 505
Bedryfsinkomste	1 192 485 181	1 222 223 458	1 252 658 565	1 311 049 716	1 489 696 468
Begrote (Surplus)/ Tekort	(121 155 119)	(148 838 396)	(181 070 507)	(136 916 722)	(117 765 963)
Minus: Kapitaal Toekennings en Donasies	107 386 943	135 980 220	119 908 999	115 594 000	91 660 000
(Surplus)/ Tekort	(13 768 176)	(12 858 176)	(61 161 508)	(21 322 722)	(26 105 963)

7.2/...

- (d) Dat kennis geneem word dat die veranderinge in die begroting geen impak op tariewe het ten opsigte van die 2023/2024 finansiële jaar nie maar sal lei tot 'n verhoging in die begrote netto surplus van R12 858 176 na 'n begrote netto surplus van R61 161 508;
- (e) Dat die ongemagtigde uitgawe van R5 556 386 vir die 2022/2023 finansiële jaar gemagtig word as deel van die aansuiweringsbegroting in lyn met artikel 32(2)(a)(i) van die Wet;
- (f) Dat die aangepaste begrotingskedules soos vereis deur die Begroting- en Verslagdoeningregulasies goedgekeur word soos vervat in **(Annexure C: Budget Report and B-Schedules 2023/24 – 2025/26)**;
- (g) Dat die Direkteur: Finansiële Dienste voldoen aan die vereistes van die Begrotingsomsendbriewe en -formate in die konteks van die verslagdoeningsvereistes aan Provinsiale en Nasionale Tesourie;
- (h) Dat die Dienslewering- en Begrotingimplementeringsplan (SDBIP) toepaslik dienoreenkomstig gewysig word.

7.3 WYSIGING VAN KPI'S EN TEIKENS VIR 2023/2024 (2/4/2)

Die KPI's en teikens vir 2023/2024 is gedurende Junie 2023 deur die Uitvoerende Burgemeesterskomitee goedgekeur. Na die hersiening van die KPI's en teikens na afloop van die eerste ses maande van 2023/2024 word daar sekere wysigings voorgestel ten einde te verseker dat alle KPI's aan die *SMART*-beginsel voldoen.

BESLUIT

(op voorstel van rdl N Smit, gesekondeer deur rdl J M de Beer)

Dat die aangehegte sleutelprestasie-aanwysers (KPI's) en teikens goedgekeur word met ingang van 1 Julie 2023 (terugwerkend).

7.4 VOORGESTELDE WYSIGING VAN DIE SWARTLAND MUNISIPALITEIT: VERORDENING INSAKE MUNISIPALE GRONDGEBRUIKBEPLANNING (PK 8226 GEDATEER 25 MAART 2020) (1/1/1/3/14)

Die Swartland Munisipaliteit: Verordening insake Munisipale Grondgebruikbeplanning (PK 8226 gedateer 25 Maart 2020) bevat nie 'n bepaling ten opsigte van die vasstelling van handelsure vir huiswinkels nie.

Na aanleiding van die oproerige gebeure in 2023 in die gemeenskappe van onder andere Saamstaan, Ilinge Lethu en Phola Park is die behoefte uitgespreek om handelsure vir huiswinkels te bepaal.

BESLUIT (vir voorlegging aan die Raad op 30 Januarie 2024)

(op voorstel van rdl D G Bess, gesekondeer deur rdl N Smit)

- (a) Dat die onderstaande wysiging van die Swartland Munisipaliteit: Verordening insake Munisipale Grondgebruikbeplanning (PK 8226 van 25 Maart 2020) goedgekeur word, naamlik:

Artikel 96(1): 'n Persoon mag van 'n misdryf beskuldig word en is by skuldigbevinding strafbaar met 'n boete of gevangenisstraf of met beide 'n boete en sodanige gevangenisstraf indien hy of sy –

Artikel 96(1)(a): artikels 25(1), ~~25(5)~~ 25(4), 30(1), 31(4), 41(1), 69(3), 72(2) of 98(2) oortree of versuim om daaraan te voldoen (*wysiging*);

Artikel 96(1)(h): Versuim om te voldoen aan enige van die voorwaardes opgelê in terme van Skedule 2 tot hierdie verordening (toevoeging); en

Skedule 2 (Swartland Munisipaliteit Ontwikkelingsbestuur Skema) – Residensiële sone 2: Medium Digtheid (R2), paragraaf 1.2.7(g): Die handelsure van die huiswinkel sal wees vanaf 06:00 tot 21:00 en mag nie verleng word nie (*toevoeging*);

7.4/...

- (b) Dat, na beginselgoedkeuring deur die Raad, die wysiging van die verordening vir publieke kommentaar geadverteer word in terme van artikel 12(3)(b) van die Stelselwet, 2000 in die plaaslike media en op die munisipale webtuiste.

7.5 KWARTAALVERSLAG INSAKE DIE PRESTASIE VAN KONTRAKTEURS (8/1/B/2)

Die verslag ten opsigte van die kwartaallikse prestasie-evaluering van kontrakteurs wat ingevolge die Voorsieningkanaalbestuursbeleid aangestel is, word voorgelê ter voldoening aan artikel 116(2) van die MFMA en die kernprestasie-indikator van die Munisipale Bestuurder

BESLUIT

Dat kennis geneem word van die verslag insake die prestasie van kontrakteurs vir die periode 1 Oktober 2023 tot 31 Desember 2023.

7.6 VERSLAG INSAKE DIE IMPLEMENTERING VAN DIE VOORSIENINGKANAAL-BESTUURSBELEID VIR DIE PERIODE 1 OKTOBER 2023 TOT 31 DESEMBER 2023 (8/1/B/2)

'n Verslag insake die implementering van die Voorsieningkanaalbestuursbeleid moet op 'n kwartaallikse basis ingevolge paragraaf 6(3) van die Munisipale Voorsieningkanaalbestuursregulasies aan die Uitvoerende Burgemeester voorgelê word.

Die verslag vir die periode 1 Oktober 2023 tot 31 Desember 2023 is met die sakelys gesirkuleer.

BESLUIT

- (a) Dat kennis geneem word van die kwartaallikse verslag aangaande die implementering van die Voorsieningkanaalbestuursbeleid vir die periode 1 Oktober 2023 tot 31 Desember 2023, wat ingevolge artikel 6(3) van die Regulasies voorgelê moet word asook die verslae van die Formele Tenders (Aanhangsel A), Informele Tenders (Aanhangsel B) en die Afwykingsverslag (Aanhangsel C);
- (b) Dat verder kennis geneem word van die dienste wat vir dieselfde periode gelewer is, met verwysing na die uitsonderings waar dit onprakties sou wees om die mark te toets en gevolglik aanleiding gegee het tot 'n afwyking van die verkrygingsprosesse ingevolge paragraaf 2(6) van die Voorsieningkanaalbestuursbeleid (Bylae D).

7.7 VOORGESTELDE VERHURING VAN NYWERHEIDSGROND TE MOORREESBURG VIR AKKERBOUDOELEINDES (12/2/5/5-9/2)

Die Munisipaliteit beskik oor ±17,7 ha grond in Moorreesburg wat tot en met April 2024 aan die Koringbedryfmuseum verhuur word.

Daar word voorgestel dat 'n openbare mededingingsproses weer deurloop word om die grond vir akkerboudoeleinde beskikbaar te stel vir die suksesvolle tenderaar om 'n opbrengs uit die grond te genereer ten behoeve van 'n plaaslike weldaadsorganisasie.

BESLUIT

(op voorstel van rdl N Smit, gesekondeer deur rdl J M de Beer)

- (a) Dat goedkeuring verleen word dat voorstelle ingewin word vir die verhuring van 'n gedeelte (groot ± 17.7 ha) van erf 1133, Moorreesburg vir 'n periode wat nie twaalf maande oorskry nie, met ingang vanaf 1 Mei 2024;
- (b) Dat voorstelle ingewin word op die basis en voorwaardes soos vervat in die konsep kennisgewing in Aanhangsel B tot die verslag;
- (c)/...

7.7/...

- (c) Dat die Munisipale Bestuurder met volmag beklee word om, indien dit nodig geag word, 'n komitee aan te wys om die voorstelle wat ontvang word te oorweeg en 'n toekenning te maak in oorlegpleging met die betrokke wyksraadslid;
- (d) Dat die Direkteur: Korporatiewe Dienste met volmag beklee word om die inhoud van die huurooreenkoms te finaliseer, asook die ondertekening daarvan;
- (e) Dat die voornemende huurder daarop bedag gemaak word dat aanplanting nie mag oorskry op erf 5520, wat aan Boland Diesel h/a AfricOil behoort en tans nog vakant is nie.

7.8 BRANDVOORVAL TE SIBANYE, MOORREESBURG: GRATIS BESKIKBAAR-MAKING VAN GRAFTE EN SAALFASILITEITE (17/3/1/1)

Tydens 'n brandvoorval in Sibanye Square, Moorreesburg wat op 17 Desember 2023 plaasgevind het, het vyf woonstrukture in die slag gebly, welke huishoudings ingevolge die rampbestuursbeleid bystand verleen is/word. Ongelukkig het daar twee kinders vanuit twee families in hierdie brand omgekóm.

BESLUIT

(op voorstel van rdl A K Warnick, gesecondeer deur rdl D G Bess)

- (a) Dat kennis geneem word van die tragiese voorval op 17 Desember 2023 te Sibanye Square, Moorreesburg waartydens twee minderjarige kinders afgesterf het;
- (b) Dat kennis geneem word van die optrede van die Munisipale Bestuurder, synde om die saalfasiliteite asook twee grafte gratis aan die families van die afgestorwenes beskikbaar te stel, vir die volgende redes:
 - (i) die tragiese wyse waarop die Moorreesburg-gemeenskap twee minderjariges gelyktydig aan die dood afgestaan het;
 - (ii) die kinders albei uit huishoudings kom wat sosio-ekonomiese probleme ervaar, en wat alles tydens die brand verloor het;
- (c) Dat die optrede van die Munisipale Bestuurder in hierdie verband gekondoneer word.

7.9 UITSTAANDE DEBITEURE: DESEMBER 2022 (5/7/1/1)

'n Volledige verslag van die stand van uitstaande debiteure is met die sakelys gesirkuleer.

Die Direkteur: Finansiële Dienste bevestig weereens dat die omvang van skuld in die dorpe waar Eskom elektrisiteit voorsien geweldig groei weens die feit dat kredietbeheer nie toegepas kan word nie.

BESLUIT

(op voorstel van rdh T van Essen, gesecondeer deur rdl N Smit)

Dat kennis geneem word van die verslag aangaande die stand van Swartland Munisipaliteit se uitstaande debiteure vir Desember 2023.

7.10 VORDERING MET UITSTAANDE VERSEKERINGSEISE (5/14/3/5)

Ingevolge die Batebestuursbeleid moet maandeliks verslag gedoen word insake die uitstaande versekeringseise.

BESLUIT

(op voorstel van rdh T van Essen, gesecondeer deur rdl N Smit)

Dat kennis geneem word van die stand van uitstaande versekeringseise tot en met 31 Desember 2023 soos met die sakelys gesirkuleer.

7.11 AFWYKING VAN VOORGESKREWE VERKRYGINGSPROSEDURES: DRINGENDE HERSTEL VAN RIOOLUITSUIGVRAGMOTORS, CK 50003 EN CK 12625 (8/1/B/2)

Die Munisipaliteit beskik oor vier riooluitsuigvragmotors om riool te verwyder vanaf persele wat van opgaartenke gebruik maak. Twee van hierdie vragmotors se pompe het onklaar geraak.

BESLUIT

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge paragraaf 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om goedkeuring te verleen vir die vervanging van die uitsuigpompe van die onderskeie riooluitsuigvragmotors (CK 50003 en CK 12625) deur *Ian Dickie and Company* ten bedrae van R34 121.88 (BTW ingesluit) per vragmotor;
- (c) Dat die redes vir die afwyking van die voorgeskrewe verkrygingsprosedures as volg is:
 - (i) Die riooluitsuigvragmotors sou vir 'n geruime tyd buite werking wees;
 - (ii) Gevolglik sou daar 'n onderbreking gewees het in die lewering van rioldienste met gepaardgaande gesondheidsrisiko's;
 - (iii) Die vervanging van die pompe op beide vragmotors is as 'n noodgeval hanteer;
- (d) Dat daar voldoende fondse beskikbaar is en dat die uitgawe as volg verreken word:
 - (i) R34 121.88 (BTW ingesluit) t.o.v. CK 50003 teen posnommer 9/4-46-5; en
 - (ii) R34 121.88 (BTW ingesluit) t.o.v. CK 12625 teen posnommer 9/6-63-5;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.12 WYSIGING VAN DIE PRESTASIEBESTUUR EN ONTWIKKELINGSBELEID (2/4/2)

[Die direkteur verlaat die lokaal vir die bespreking van die item.]

Die Munisipale Bestuurder behandel die verslag en bevestig dat die Prestasiebestuur- en Ontwikkelingsbeleid aangepas is in lyn met artikel 32 van die Munisipale Prestasie-regulasies.

BESLUIT

(op voorstel van rdl N Smit, gesekondeer deur rdh T van Essen)

- (a) Dat die Beleid vir Prestasiebestuur en -Ontwikkeling met ingang van 1 Julie 2023 gewysig word om die "assessment calculator" aan te pas soos voorgelê in die aanhangsel tot die verslag;
- (b) Dat die gedeelte rakende die betaling van prestasie bonusse van hoogstens 9% betaalbaar aan die Munisipale Bestuurder en direkteur (uitgesluit die Direkteur: Elektriese Ingenieursdienste wat vir 14% kwalifiseer) gewysig word ten aansien van die 2022/2023 finansiële jaar.

**(GET) J H CLEOPHAS
UITVOERENDE BURGEMEESTER**